

Broj: 03-02-88/2016
Sarajevo, 30.5.2017. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Edin Mušić, predsjedavajući

- Dom naroda -
gđa Lidija Bradara, predsjedavajuća ✓

Doma i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Prijeto: 30-05-2017			
Org. jed.	Broj	Priloga	Vrijednost
01:02	- 02 -	269	/16

40x3

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama čl. 178. i 179. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08) i čl. 171. i 172. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), radi razmatranja i usvajanja, dostavljam Vam **PRIJEDLOG ZAKONA O IZMJENAMA ZAKONA O SUZBIJANJU KORUPCIJE I ORGANIZIRANOG KRIMINALA U FEDERACIJI BOSNE I HERCEGOVINE**, koji je utvrdila Vlada Federacije Bosne i Hercegovine na 104. sjednici, održanoj 29.5.2017. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog: - Prijedlog zakona na bosanskom jeziku,
- odredbe Zakona koje se mijenjaju,
- Zakon o suzbijanju korupcije i organiziranog kriminala u Federaciji Bosne i Hercegovine („Službene novine Federacije BiH“, broj 59/14) (CD).

Co: Federalno ministarstvo pravde
gosp. Mato Jozić, ministar

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENAMA ZAKONA O SUZBIJANJU KORUPCIJE I ORGANIZIRANOG
KRIMINALA U FEDERACIJI BOSNE I HERCEGOVINE**

Sarajevo, maj 2017. godine

**ZAKON
O IZMJENAMA ZAKONA O SUZBIJANJU KORUPCIJE I ORGANIZIRANOG
KRIMINALA U FEDERACIJI BOSNE I HERCEGOVINE**

Član 1.

U Zakonu o suzbijanju korupcije i organiziranog kriminala u Federaciji Bosne i Hercegovine („Službene novine Federacije BiH“, broj 59/14) u članu 34. riječ „potvrđene“ zamjenjuje se riječju „podignute“.

Član 2.

U članu 35. riječi: „nakon šest mjeseci od dana stupanja na snagu“, zamjenjuju se riječima: „od 01.11.2017. godine“.

Član 3.

Ovaj zakon stupa na snagu osmog dana od dana objavljivanja u "Službenim novinama Federacije BiH".

OBRAZLOŽENJE
ZAKONA O IZMJENAMA ZAKONA O SUZBIJANJU KORUPCIJE I
ORGANIZIRANOG KRIMINALA U FEDERACIJI BOSNE I HERCEGOVINE

I. - USTAVNO PRAVNI OSNOV ZA DONOŠENJE ZAKONA

Ustavnopravni osnov za donošenje ovog zakona sadržan je u odredbi člana IV.C.3. Ustava Federacije Bosne i Hercegovine, kojom je predviđeno da se pravila postupka uređuju federalnim zakonom, kako bi se osigurala jednakost u postupanju kao i osnovni principi pravičnosti pred sudovima a što je u skladu sa odredbama člana IV.A.20. (1) d) Ustava Federacije Bosne i Hercegovine, kojim je propisano, da je Parlament Federacije Bosne i Hercegovine nadležan za donošenje zakona o vršenju funkcije federalne vlasti.

II. - RAZLOZI ZA DONOŠENJE ZAKONA

Odredbom člana 1. predloženih izmjena zakona vrši se intervencija na članu 34. Zakona o suzbijanju korupcije i organiziranog kriminala u Federaciji Bosne i Hercegovine na način da se riječ „potvrđene“ zamjenjuje riječju „podignute“. Uzimajući u obzir činjenicu da postoje naznake o praksi postupajućih sudija da se ne postupa u odgovarajućim predmetima na osnovu važeće odredbe člana 34. Zakona, odnosno ne postupa u smislu odlučivanja o dostavljenom optužnom prijedlogu, pristupilo se korekciji predmetne odredbe. Navedenom izmjenom izbjegla bi se takva praksa te definiralo postupanje u smislu potvrđivanja, odnosno odbijanja optužnog prijedloga.

Odredbom člana 35. Zakona o suzbijanju korupcije i organiziranog kriminala u Federaciji Bosne i Hercegovine („Službene novine Federacije BiH“, broj 59/14) propisano je da navedeni zakon stupa na snagu osmog dana od dana objavljivanja u „Službenim novinama Federacije BiH“, a početak će se primjenjivati nakon šest mjeseci od dana stupanja na snagu.

Uzimajući u obzir da je navedeni zakon objavljen u „Službenim novinama Federacije BiH“ 23.07.2014. godine utvrđeno je da propisani „vacatio legis“ nije dovoljan za osiguravanje materijalnih, tehničkih i infrastrukturnih kapaciteta za odgovarajuću primjenu odredaba navedenog zakona. Naime, navedenim zakonom propisano je formiranje posebnih odjela u Vrhovnom sudu Federacije BiH i Federalnom tužilaštvu Federacije BiH, te propisana prvostepena nadležnost u postupanju za određena krivična djela. Uzimajući u obzir da do dana izrade ovog prijedloga nisu u dovoljnoj mjeri osigurani potrebni kapaciteti za funkcioniranje navedenih odjela, osnovna intencija ovog zakonskog prijedloga jeste produženje „vacatio legis“ te propisivanje početka primjene navedenog zakona počev sa 01.11.2017. godine.

Uzimajući u obzir da bi nedovoljno osiguranje kapaciteta za rad navedenih odjela moglo dovesti do paralize u funkcioniranju pravosuđa u oblasti otkrivanja i

krivičnog gonjenja krivičnih djela iz člana 25. navedenog zakona, nužno je produžiti „vacatio legis“ kako bi se osigurali potrebni kapaciteti za kvalitetno postupanje navedenih odjela.

III. – OBRAZLOŽENJE PREDLOŽENIH ZAKONSKIH RJEŠENJA

Predstavnički dom Parlamenta Federacije Bosne i Hercegovine je na svojoj 8. redovnoj sjednici održanoj 23.02.2016. godine usvojio Prijedlog zakona o izmjenama Zakona o suzbijanju korupcije i organiziranog kriminala u Federaciji Bosne i Hercegovine u tekstu kako ga je predložila Vlada Federacije Bosne i Hercegovine.

Dom naroda Parlamenta Federacije Bosne i Hercegovine je na 10. sjednici održanoj dana 17.03.2016. godine, u prethodnom postupku odlučio da Prijedlog zakona o izmjenama Zakona o suzbijanju korupcije i organiziranog kriminala razmatra u formi Nacrta. Na nastavku 10. sjednice od 31.03.2016. godine Dom naroda Parlamenta Federacije Bosne i Hercegovine je nakon razmatranja Nacrta zakona o izmjenama Zakona o suzbijanju korupcije i organiziranog kriminala u Federaciji Bosne i Hercegovine usvojio sljedeći zaključak:

1. Dom naroda prihvata Nacrt zakona o izmjenama Zakona o suzbijanju korupcije i organiziranog kriminala u Federaciji Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se Vlada Federacije Bosne i Hercegovine da prilikom izrade Prijedloga zakona, ima u vidu sugestije, primjedbe i prijedloge iznesene na sjednici Doma naroda.

Nakon razmatranja svih sugestija i prijedloga, opredjeljenje ovog zakonskog prijedloga jeste da se propiše novi „vacatio legis“ te da se definira novi početak primjene Zakona počev od 01.11.2017. godine.

U preostalom dijelu zakonski Prijedlog ostao je nepromijenjen.

IV. - FINANSIJSKA SREDSTVA

Za provođenje ovog zakona nije potrebno osigurati dodatna finansijska sredstva u Budžetu Federacije BiH.

ODREDBE ZAKONA KOJE SE MIJENJAJU

Član 34.

Krivični postupci u kojima su do dana početka primjene ovog zakona potvrđene optužnice za krivična djela iz nadležnosti Posebnog odjela suda, okončat će se pred sudovima koji su bili stvarno i mjesno nadležni za ta krivična djela prije početka primjene ovog zakona.

Član 35.

Ovaj zakon stupa na snagu osmog dana od dana objavljivanja u "Službenim novinama Federacije BiH", a početak će se primjenjivati nakon šest mjeseci od dana stupanja na snagu.